

Blank columns for text on the right page.



謀殺而誤殺其人之孫 山東長清縣案

一起楊洛二因謀殺誤殺樹淘氣身死一案將楊洛二依律擬斬等因具題奉

旨二法司核擬具奏欽此該 臣 等會看得楊洛二與年甫十三歲

之樹淘氣鄰居無嫌樹淘氣係樹澱櫬之孫光緒元年三月

閒楊洛二為已故兄妻李氏出殯李氏之弟李連中因楊洛

二未向知會前往吵鬧樹澱櫬走至查問亦斥楊洛二非是

楊洛二村斥多管樹澱櫬不服混罵彼此爭毆勸散樹澱櫬

將李連中邀至家中設酒款待楊洛二疑李連中吵鬧係樹

澱櫬挑唆心懷忿恨送殯回歸往找樹澱櫬理論未遇令妻

袁氏屢赴樹澱櫬家辱罵四月十六日樹澱櫬酒醉攜刀趕

至楊洛二門首聲稱袁氏屢次滋鬧定欲與楊洛二拚命楊

洛二持刀出向爭毆復經勸散楊洛二忿極起意將樹澱櫬

致死洩忿稔知樹澗槐向在北屋東間睡宿是夜獨自攜刀潛赴樹澗槐門首撥門進房聽聞東間微有鼾聲料係樹澗槐在炕睡宿隨即走進炕沿持刀很扎不期樹澗槐適赴後院牛欄餵牛惟樹淘氣一人在炕睡宿黑暗中未及辨認致誤扎傷樹淘氣臍肚樹淘氣聲喊楊洛二始知誤傷逃走樹澗槐聽喊趕出查問見楊洛二逃出門外追趕無及樹淘氣旋即殞命報驗審供不諱除李連中擬杖外楊洛二合依謀殺而誤殺其人之孫依謀殺本律科罪謀殺人造意者斬律擬斬監候秋後處決等因具題奉

旨楊洛二依擬應斬著監候秋後處決餘依議欽此
光緒三年秋審因謀殺而誤殺其人之孫法所難寬楊洛二應情實

故殺人而誤殺旁人 直隸完縣案

一起靳中兒因故殺誤殺宋白仔身死一案將靳中兒依律擬斬等因具題奉

旨三法司核擬具奏欽此該 臣 等會看得靳中兒與宋白仔素識無嫌靳中兒乞丐度日借欠宋白仔素好之霍洛見錢一文未償霍洛見曾向索討爭鬧嗣霍洛見復向索欠將靳中兒辱罵靳中兒丐伴劉大嘴向勸亦被牽罵爭吵各散光緒元年七月十三日夜靳中兒飲醉在空廟驢臥劉大嘴赴廟外橋上乘涼適霍洛見同宋白仔路過劉大嘴瞥見提起前情向霍洛見村斥霍洛見不服混罵靳中兒聽聞順持屠刀趨護劉大嘴揪住霍洛見揪按倒地靳中兒憶及屢被霍洛見索欠辱罵一時氣忿起意致死時宋白仔正向劉大嘴拉勸靳中兒走至宋白仔背後因酒醉糊塗不辨面貌意謂即